

جريدہ عليہ

مشتبہ جليلہ اسموئيلك جبريدہ رسميه سید

شوال سنہ ۱۳۳۹

جلد ۶۷

شمذيلك آيدہ بر نشر اولئور

الکفحي سنہ

فتاویٰ شریفہ

نکاح

هندك زوجي زيد آخر دياره كيتد كد نصكره عمرو كلوب زيد فوت اولدى ديو هنده اخبار ايلسه عمرو عدل اولوب هند اينايحيق بعد انقضاء العده نفسى آخره تزويجه قادره اولورمى الجواب اولور .

* *

زيد لايون خالهسى هندك قزى زينبى تزوج ايتد كد نصكره زيد زينبك اوزرينه آخر لايون خالهسى خديجهك قزى رقيه يي تزوج ايدوب زينب ايله جمع ايتك جائز اولورمى الجواب اولور .

* *

طلاق

زيد زوجة مدخول بهاسى هنده بوش اول ديد كد نصكره هند ايشتميوب نه سويلرسن ديد كده بوش اول ديدم بوش اول ديدم بوش اول ديسه زيدك مرادى انشا اولميوب اخبار اوليحيق مجرد بويله ديمكه هند اوچ طلاق بوش اولورمى الجواب اولماز .

* *

عدت

بر بلده اها ايلسندن زيد آخر دياره كيتد كد نصكره زوجة مدخول بهاسى هندى اول ديارده باينا تطليق ايلسه هندك عدتي هنده خبر طلاق واصل اولديني كوندن معتبر اولميوب طلاقى كوندن معتبر اولورمى الجواب اولور .

§ بوصورتده هند زیدك اوزرینه نفقه تقدیر ایتدیرمدین عدتی متقضیه اولسه هند زیددن نفقه عدت نامنه نسنه آلمغه قادره اولورمی الجواب اولماز .

* *

نفقه

کسبه قدرتی اولمسان زید فقیرك اوغلی عمرو معسر غائب اولوب قزی هند معسره ایله قز قرنداشی اوغلی بکر موسردن غیري کسینه سی اولماسه زیدك نفقه سی یالکیز بکر اوزرینه لازمه اولورمی الجواب اولور .

* *

وقف

زید تحت اجاره سنده اولان وقف عرصه ده مالیه منزل بنسا ایتدکده تبرعاً وقف ایچون بنا ایتدم دیو اشهاد ایتدکدنصکره زید نادم اولوب اول بنای بیعه قادر اولورمی الجواب اولماز .

* *

شهادت

زید هنددن ذمتکده فلان جهتدن شوقدر غروش حقم واردر دیو دعوی وهند انکار ایتدکده زیدك مدعاسنه هندك اناسی زینب وخاله سی عایشه وخالی عمروك شهادتلی مقبوله اولورمی الجواب اولور .

* *

ودیعه

یالدر آتونی بش غروشه رایج ایکن زید عمروه شوقدر یالدر آتونی ایداع وتسلیم ایتدکدنصکره عمرو اول آتونلری زیدك اذنسنز کندی مصارفه صرفله استهلاك ایلسه حالا اول مقوله آتون زیادیه رایج اولوب ایادی ناسدن منقطع اولسامغله زید اولقدر آتونك مثالری عمرودن طلب ایتدکده عمرو حین ایداعده بشر غروشه رایج اولمغله اولقدر آتونلرك مثالری وبرمامکه قادر اولورمی الجواب اولماز .

* *

هبه

بش سندنبرو مرض عزمنه مبتلی اولان زید زوجیه سی هند وقزلری زینب وخدیجیه

باشقه باشقه بر مقدار اشيا هبه وتسليم ايتد كند نصكره بر قاچ آي مرورنده زيدك جالي
متغير ومرضى مشتد اولوب فوت اولسه سائر ورثهسى مجرد زيد خسته ايكن هبه ايلدي
ديو هبه يي طوتمامغه قادر اولورلرمي الجواب اولمازلر .

* *

اداي دين

مديونا فوت اولان زيدك ديوننى ادا تركه سنى بين الورثه قسسمت اوزرينه مقدم
اولورلرمي الجواب اولور .

كتبه الفقير طر موسى زاده
محمد نوري مدني
عني عنهما

اجوبه شرعيه

صادق و عثمان نوري امضالي ۴ كانون اول ۳۳۶ تاريخنده بالورود ، عثمانلى قائمه سيله
اجنبى قائمه سنى بيع وشرا ايتمك جائز اولوب اوليه جفته دائر واقع اولان استفتايه جوابدر :
§ مآله نظراً ربح مذکور حلال اولور .

* *

مخلصه امضالي ۶ كانون اول ۳۳۶ تاريخنده بالورود ، هند صغيره مراهقه نك باباسى
غير محمود الحلال ومعلول اولسه صغيره مزبوره خالهسى زينب وصى اولوب اوله ميه جفته
دائر واقع اولان استفتايه جوابدر :
§ مآله نظراً قاضى مناسب كورديكى امين بر كيمه يي صغيره مزبوره يه وصى نصب
ايدر .

* *

مصطفى خيرى امضالي ۱۴ كانون اول ۳۳۶ تاريخنده بالورود ، تحت وصايتده بولنان
زيد صغير غير رشيد اوله رقى بالغ اولسه اموال منقوله وغير منقوله سى وصيسى عمرو دن
استرداد ايدرك بيع وفراغه قادر اولوب اوله ميه جفته دائر واقع اولان استفتايه جوابدر :
§ مآل استفتايه نظراً بيع وفراغ مزبور لر صحيح اولمدينى جهته وصى مزبور مشترى
مفروغ لهدن دعوايه قادر اولور .

* *